



## Ислом Нури



Алхамду лиллаҳ вассолату вассаламу ала росулиллаҳ.

Кутубус-ситта муаллифлари куйидаги зотлар:

1. Имом Бухорий (194-256 хижрий)
2. Имом Муслим (204-261 хижрий)
3. Имом Абу Довуд (202-275 хижрий)
4. Имом Тирмизий (209-279 хижрий)
5. Имом Насоий (215-300 хижрий)
6. Имом Ибн Можа (209-273 хижрий)

Уларнинг ҳар бирини сизга қискача қилиб таништириб ўтсам:

### **1. Имом Бухорий.**

У зот Абу Абдуллоҳ Муҳаммад ибн Исмоил ибн Иброҳим ибн Мугийра ибн Бардизба Жуъфий Бухорийдир.

Имом Бухорийнинг катта бобоси Мугийра Бухоронинг волийси Ямон Жуъфийнинг кўлида исломга қирган шунинг учун Жуъфий деб нисбат берилган (буни вилоят, мавло дейлади).

Имом Бухорий хижрий 194 – йилда Бухоро шаҳрида тугилди. Етим бўлиб ўсдилар. Ўн ёшга етмай ҳадис ёдлашга киришдилар. 16 ёшларида оналари ва акаси билан Маккага сафар қилдилар ва ҳаж фарзини адо этдилар. Ҳадис, усул ва фикх уламоларидан илм олиш максодида бир мунча вақт Маккада қолдилар. Айтилган максадда 16 йил давомида илм билан машҳур бўлган Ислом диёридаги шаҳарларнинг биридан бошқасига кўчиб, ўтиб юрдилар. Бу йилларда илм билан



## Ислом Нури

машхур бўлган шаҳарларнинг кўпини айланиб чикдилар.

Набий саллаллоху алайхи ва салламнинг хадисларини тўпладилар. Хатто йиккан хадислари 600,000 дан ошиб кетди. Минг мухаддисга мурожаат қилиб бу хадислар тўғрисида музокара олиб бордилар. Улар ростгўйлик, такво ва дуруст ақида билан танилган зотлар эдилар.

Имом Бухорий ушбу катта микдордаги хадислар ичидан ўзининг «Саҳих» китобини саралаб ёздилар. Баҳс, текшириш, саҳихни носаҳихдан ажратиш ва ровийларни саралашда энг нозик илмий услубни қўллаб ўзининг бу китобига энг саҳих хадисларни жойладилар шундай бўлсада бу китоб барча саҳих хадисни камраб олмади. Бу китобни «Росулуллох саллаллоху алайхи ва салламнинг хадислари, суннатлари ва айёмларидан иборат бўлган Жомеъ Саҳих Муснад» – деб номладилар.

Бухоро амири фарзандларига таълим бериш, уларга хадис эшиттириш учун уйига имом Бухорийнинг келишини хохлади. Бухорий унамади ва «илмга келинади, илм бормади» деб одам юборди. Яъни ким уламолардан илм олишни хохласа масжид ва уйларда улар хузурига боради.

Шу сабаб амир имом Бухорийни ёмон кўриб уни Бухородан чиқариб юборишга буйрук берди. Самаркандга яқин Хартанг деган кишлокка кўчдилар. У ерда у кишининг кариндошлари бор эди. Шу ерда хижрий 256-йил, 62 ёшларида вафот этдилар. У кишини Аллох раҳамат қилсин.

### **2. Имом Муслим**

Бу зот Абул Хусайн Муслим ибн Хажжож Кушайрий Нийсобурийдирлар. Буюк мухаддислар ва хадис хофизларидан бўлган



## Ислом Нури

имомларнинг биридир. Имом Шофий вафот килган кун (204 йил) Нийсобурда тугилди. Шу ерда илм талабида бўлдилар. Йигит бўлгач хадис талабида Ирок ва Хижозга сафар килдилар. Кўп шайхлардан эшитдилар. У кишидан кўп хадис кишилари ривоят килди. Китобларининг машхури «Сахиҳу Муслим», деб танилган «Сахиҳ»ларидир. Бу китоб хадис бобида энг мўътабар деб топилган олти китобнинг биридир. Бу китобни 15 йил давомида таълиф этдилар. Имом Муслимнинг Сахиҳлари хадисларнинг куввати ва мартабасида Бухорийнинг Сахиҳига якин бўлиб ундан кейинги ўринда туради. Кўп олимлар бу китобни шархлаганлар.

Яна у кишининг китобларидан: «Табакот» «Жомеъ» «Исмлар» ва бошқа босмадан чикмаган кўлёзма холидаги китоблари бор.

Хижрий 261 йилда 57 ёшларида Нийсобур яқинидаги Насробод шаҳрида вафот этдилар. У кишини Аллох раҳамат килсин.

### 3. Имом Абу Довуд

У зот Сулаймон ибн Ашъас ибн Шаддод ибн Амр ибн Исхок ибн Башир Аздий Сижистоний Абу Довуд.

Ўз асрида хадис ахлининг имоми. Хадис имлида «Сунан» китобининг муаллифи. Бу китоб олти мўътабар китобнинг бири.

202 - йил тугилди. Бағдодга сафар килди. Имом Ахмад ибн Ханбални лозим тутиб фикх илмини таълим олди. У кишига ўхшар эди. Хижоз, Ирок, Хуросон, Шом, Миср каби диёрларга борди. У кишидан Насоий, Тирмизий ва бошқалар хадис ривоят килди. Солихлик ва ибодатдан олий даражада эдилар. «Сунан» китобида 5300 га якин хадис жамлади.



## Ислом Нури

Амир Абу Ахмад Талха (ал Муваффақ Аббосий) ундан уч нарсани талаб килди.

Бири: Басрага кўчиб уни ватан тутсин, токи, илм толиблари у кишига келсин, шаҳар у киши билан обод бўлсин.

Иккинчиси: фарзандларига «Сунан»ни ривоят килсин.

Учинчиси: фарзандларига алохида-хос мажлис килсин. Чунки хулафолар фарзандлари омма билан ўтирмайдилар.

Абу Довуд унга деди: «Биринчисига «хўп», иккинчисига «хўп», аммо учинчисига йўл йўк. Чунки одамлар илм олишда тенгдирлар». Шу боис Муваффақ Аббосийнинг фарзандлари илм мажлисида хозир бўлиб ўтирардилар. Улар билан омма ўртасида парда тўсилар эди.

Басрада ўрнашиб колдилар ва шу ерда хижрий 275 – йил 73 ёшда вафот этдилар. У кишини Аллох раҳамат килсин.

### **4. Имом Тирмизий**

У зот Мухаммад ибн Ййсо ибн Савра ибн Мусо ибн Заххок Суламий Тирмизий Абу Ййсодирлар.

Мовароуннахр шаҳарларидан бири Тирмиз ахлидандир. Хадис имомлари ва хофизларидан бири. 209 йил тугилди. Бухорийга шогирд бўлди. Бухорийга баъзи шайхларида шерик ҳам бўлди. Хадис талабида Хуросон, Ирок, Хижозга сафар килди. Унинг шайхларидан Ахмад ибн Ханбал ва Абу Довуд Сижистонийдир. Олти мўътабар хадис китобларидан хисобланган «Жомеъ»ни ёздилар. Бу китобда факихга фойда берадиган хадис иллатларидан кўп турларини жамлади. Чунки



## Ислом Нури

У хадисни зикр килади (аксарияти фикх хукмларига оид) сўнг барча санадларини айтади, хадисни ривоят қилган саҳобаларни санаб ўтади. Ўз наздида саҳих бўлганини саҳих, заифини заиф деб айтади. Фуқоҳолардан шу хадисни ким олгану ким олмаганини баён килади. У кишининг «Жомеъ»и «Сунан»ларнинг энг жомеъи, факих ва муҳаддисга энг манфаатлисидир. Ишончли кишилардан саҳих ривоятларни жамлаш мақсадида кўп юртларни кезганларидан кейин ҳаётларининг охиридан бир қисмини аъмо бўлиб ўтказдилар. Хижрий 279 йил 70 ёшда вафот этдилар. У кишини Аллоҳ раҳамат қилсин.

### 5. Имом Насоий

У зот Аҳмад ибн Шуайб ибн Алий ибн Синан ибн Баҳр ибн Дийнор Насоий Абу Абдурроҳмандир.

У кишининг асли Хуросондаги Насо шахридан. У кишини Насога нисбат берилиб «Насоий» дейилади. Хижрий 215 йил тугилдилар. Ўз даврида хадис илмининг таянчи, замонаси ахлининг умдаси, пешвоси, имоми ва диннинг буюк кишиларидан эди.

Ҳоким айтади: «Абул Ҳасан Доракутнийни бир неча бор мана бундай деганини эшитдим»: «Абу Абдурроҳман ўз замонида ровийларни жарх ва таъдили ҳамда хадис илми билан ким тилга олинса барчасидан муқаддамдир».

Ул зот вараъ ва таквонинг энг ниҳоясида бўлиб энг афзал рўза Довуд рўзасини қанда қилмасди. Бир кун рўза тутар, бир кун очарди.

Мисрда турдилар ва бу ерда китоблари ёйилди. Кишилар у зотдан илм олишди. Кейин Димашкка кўчдилар. 300 – йил Сафар ойининг 13 ида душанба куни 85 ёшда вафот этдилар. У кишини Аллоҳ раҳамат



## Ислом Нури

КИЛСИН.

### **6. Имом Ибн Можа**

У зот Мухаммад ибн Язийд Рибъий Казвиний Абу Абдуллохдир. Отаси Язийд Можа деб танилган эди. Шунинг учун бу киши Ибн Можа бўлиб чакирилди.

Рабийъа кабиласига валоъ сабаб билан мансуб бўлгани учун бу кишига Рибъий деб нисбат берилди. Казвинда хижрий 209 – йилда тугилди. Хадис ёзиш учун Ирок, Басра, Кўфа, Багдод, Макка, Шом, Миср ва Райга сафар килдилар. Тафсирда бир китоб, тарихда бир китоб (бунда сахобалар асридан ўз асригача хадис билан шугулланган кишилар хабарларини баён килдилар) ва «Сунан» китобини тасниф этдилар.

273 – йил Рамазон ойининг 22 сида душанба куни 64 ёшда вафот этдилар. У кишини Аллох раҳамат килсин.

### **Бу китоблардаги хадислар ҳукми**

Имом Бухорий ва Муслимнинг саҳихларини, улардаги хадисларни барча қабул қилиб, ундаги барча хадисларнинг саҳихлигига иттифок қилишди. Бухорий ва Муслим очик ё ишорат билан иллатини баён қилиш учун келтирган жуда оз лафзлар бундан мустаснодир. Бу икки китобни ўрганиб чиккан муҳаккик олимлар ушбу лафзларни ҳам саҳих эканлигини баён қилдилар шайхул ислом Ибн Таймийя шулар жумласидан.

Аммо бошқа сунан китоблар заиф хадислардан холи эмас. Бироз мавзу хадислар ҳам бор. Баъзисини соҳиби китоб ўзи ва баъзи бирини бошқа



## Ислом Нури

олимлар баён этган. Сунаи муаллифлари барча заифни баён этишга кизиқишмаган. Чунки улар хадисларни иснод-ровийлар силсиласи билан келтирганлар. Бинобарин илм ахлига заифни сахиждан ажратиш — санад кишиларини ўрганиш билан уларнинг заифлик хамда ишонч даражаларини билиш оркали — осон бўлади.

Яна хадис бобида машхур олимлардан имом Ахмад, Доракутний, Яхё ибн Маин, Ибн Хажар, Захабий, Вокий, Саховий, замондошлардан эса Албоний, Ахмад Шокир ва бошқалар бор. Барчаларига Аллохнинг рахмати бўлсин.

Аллох билгувчирок.

Ислом савол ва жавоб сайтидан олиб таржима килинди. ИНТ